

Cooperaziun da purs e catschadurs

Mintg'onn daventan biars anseuls cavriel l'unfrenda dallas maschinass da segar

DA HANS HUONDER / ANR

■ **Ei cuoza buca ditg pli entochen che las empremas maschinass da segar dils purs vegnan en funcziun. L'avertura dalla stagiun da far fejn ei denton era il temps che las cauras cavriel partureschan lur anseuls. Las empremas jamnas passentan quels savens els praus. Quels loghens san denton d'aver mortal.**

En vesta a quei temps d'impurtonza per la raccolta dil fejn, mo era per la populaziun dils cavreuls, ha l'Uniun cantunala dils catschadurs da patenta dil Grischun danovamein lantschau ina campagna. Cun quella vul ella sensibilisar ils purs per la problematica. Ella intermediessa entginas reglas ch'ei impurtonzas per impedir la sort tragica dils anseuls cavriel ch'ei els praus. Cun informaziuns persunalas als purs, mo era cun avis el fegl uffical emprovan las secziuns da catschadurs da far attents ils pertuccai sin la problematica, respectivamein sil survetsch ch'ellas porchan per spindrar anseuls. Deplorablamein capeta ei memia savens ch'ils purs segan lur praus senza contactar las secziuns ni la survegionza da catscha. Ins schazegia che 2000 entochen 3000 anseuls cavriel mierien mintg'onn en Svizra en consequenza da blessuras entras maschinass da segar. Probablamein ei quei diember denton considerablamein pli grond, essend ch'ei exista era en quei connex ina cefra nera. Savens pon ils purs



Las secziuns da catschadurs prestan bia lavur en favur dil spindrament dils anseuls cavriel. Cun differents mieds animeschan els las cauras da dislocar lur anseuls ord ils praus. Quei succeda mintgamai paucs dis avon ch'ei vegn segau.

FOTO H. HUONDER

gnanc constatar schebein in animal da quella grondezia ei vegnius tschaffaus da sia maschina gronda, moderna e sperta. Las informaziuns e las accziuns pertuc-

cont il spindrament d'anseuls cavriel vegnan sustenidas el cantun Grischun da differentas organizaziuns ed instituziuns. Denter quellass s'audan igl Uffeci per ca-

tscha e pesca, l'Uniun purila e l'Uniun cantunala dils catschadurs da patenta. Cun flyers informeschan els lur commembras e commembers davart las pus-

seivladads ch'existan. Praus ein impurtonzas spazis da viver dalla selvaschina. Lur existenza han els d'engraziar era als purs, pertgei els ein quels che cultiveschan quels. Ils praus ein spazis da viver da differentas specias d'animals, sco per exempel lieurs ni cavreuls. Ils animals giuvens ch'ei enzacons dis vegls sezuppan leu. Entrass lur colurs ein els strusch da veser. Arrivan las maschinass da segar fuian els buc e daventan aschia l'unfrenda dils cuntials. Savens vegn tagliau giu combas dils animalets aschia che quels piteschan aunc ditg.

Mesiras cun effect

Las secziuns da catschadurs appelleschan als purs d'annunziar ils dis ch'els segan. Ils dis avon sa allura vegnir priu las mesiras necessarias. Cun differentas accziuns vegn procurau che las cauras meinan naven ils anseuls. Persuenter existan differentas metodass. Ina pusseivladad ei la montascha da sacs sin festa els praus la sera avon che quels vegnan segai. La canera ed il fried da quels procuran che la caura dislochescha quella notg siu ni ses anseuls. La festa culs sacs vegn montada mintga rodond 50 meters. In'otra pusseivladad ei la montascha da stgellas vid festa ni era cazzolas sbrinzlontas ni lumpas. Sin fundament da quels disturbis dislocheschan las cauras lur anseuls. Ina segirtad cumpleina dat ei tonaton buca. Vegnan animals blessai ni mazzai eis ei d'orientar la survegionza da catscha.